

საქართველოს შინაგან საქმეთა მინისტრის

ბრძანება №86

2021 წლის 31 დეკემბერი

ქ. თბილისი

საქართველოს შინაგან საქმეთა სამინისტროს მმართველობის სფეროში შემავალი სახელმწიფო საქვეუწყებო დაწესებულების – საგანგებო სიტუაციების მართვის სამსახურის მეხანძრე-მაშველის სარგებლობაში არსებული სახანძრო-სამაშველო აღჭურვილობის ნუსხის დამტკიცების შესახებ „სამოქალაქო უსაფრთხოების შესახებ“ საქართველოს კანონის 62-ე მუხლის პირველი პუნქტისა და „საქართველოს შინაგან საქმეთა სამინისტროს დებულების დამტკიცების შესახებ“ საქართველოს მთავრობის 2013 წლის 13 დეკემბრის №337 დადგენილებით დამტკიცებული დებულების მე-5 მუხლის მე-2 პუნქტის „ა“ და „ნ“ ქვეპუნქტების შესაბამისად, ვბრძანებ:

მუხლი 1

დამტკიცდეს საქართველოს შინაგან საქმეთა სამინისტროს მმართველობის სფეროში შემავალი სახელმწიფო საქვეუწყებო დაწესებულების – საგანგებო სიტუაციების მართვის სამსახურის მეხანძრე-მაშველის სარგებლობაში არსებული სახანძრო-სამაშველო აღჭურვილობის თანდართული ნუსხა.

მუხლი 2

ეს ბრძანება ამოქმედდეს 2022 წლის 1 აპრილიდან.

საქართველოს შინაგან საქმეთა
მინისტრი

ვახტანგ გომელაური

დანართი

საქართველოს შინაგან საქმეთა სამინისტროს მმართველობის სფეროში შემავალი სახელმწიფო საქვეუწყებო დაწესებულების – საგანგებო სიტუაციების მართვის სამსახურის მეხანძრე-მაშველის სარგებლობაში არსებული სახანძრო-სამაშველო აღჭურვილობის ნუსხა

მუხლი 1. რეგულირების სფერო და მიზანი

1. საქართველოს შინაგან საქმეთა სამინისტროს მმართველობის სფეროში შემავალი სახელმწიფო საქვეუწყებო დაწესებულების – საგანგებო სიტუაციების მართვის სამსახურის (შემდგომ – საგანგებო სიტუაციების მართვის სამსახური) მეხანძრე-მაშველის სარგებლობაში არსებული სახანძრო-სამაშველო აღჭურვილობის ნუსხა (შემდგომ – სახანძრო-სამაშველო აღჭურვილობის ნუსხა) განსაზღვრავს იმ სახანძრო და საავარიო-სამაშველო/სამაშველო ავტომობილების, ტექნიკის, მოწყობილობების, ინსტრუმენტების, ეკიპირებისა და სხვა საშუალებების (შემდგომ – სპეციალური საშუალება) ჩამონათვალს, რომელიც შესაძლოა გამოყენებულ იქნეს ხანძრის ჩაქრობისას ან/და საავარიო-სამაშველო სამუშაოების/სამაშველო სამუშაოების ჩატარებისას.

2. სახანძრო-სამაშველო აღჭურვილობის ნუსხის დამტკიცების მიზანია სპეციალური საშუალებების ჩამონათვალის განსაზღვრით ხანძრის ჩაქრობისა და საავარიო-სამაშველო სამუშაოების/სამაშველო სამუშაოების ეფექტიანობის უზრუნველყოფა.

მუხლი 2. სპეციალური საშუალებების რაოდენობის განსაზღვრა

1. საგანგებო სიტუაციების მართვის სამსახურის შესაბამის დანაყოფში სპეციალური საშუალებების საჭირო რაოდენობა განისაზღვრება საქართველოს კანონმდებლობით დაკისრებული ფუნქცია-მოვალეობების შესაბამისად, ხანძრის ჩაქრობის და საავარიო-სამაშველო სამუშაოების/სამაშველო სამუშაოების ეფექტიანად განხორციელების აუცილებლობიდან გამომდინარე.

2. სპეციალური საშუალებების საჭირო რაოდენობას განსაზღვრავს საგანგებო სიტუაციების მართვის



სამსახურის უფროსი.

მუხლი 3. საგანგებო სიტუაციების მართვის სამსახურის სახანძრო-სამაშველო აღჭურვილობის ნუსხა

1. სახანძრო და საავარიო-სამაშველო/სამაშველო ავტომობილებია:

- ა) სახანძრო ავტოცისტერნა;
- ბ) სახანძრო ავტოტუმბო;
- გ) სახანძრო ავტოკიბე და ავტოამწე;
- დ) სახანძრო სახელოების ავტომობილი;
- ე) კავშირგაბმულობის ავტომობილი;
- ვ) სახანძრო ავტოსატუმბი სადგური;
- ზ) კვამლსაწინააღმდეგო სახანძრო ავტომობილი;
- თ) სახანძრო მოტოტუმბო;
- ი) საავარიო-სამაშველო/სამაშველო ავტომობილი.

2. მეხანძრე-მაშველის ეკიპირებისა და ინდივიდუალური დაცვის საშუალებებია:

- ა) სპეციალური დამცავი ტანსაცმელი;
- ბ) მხედველობის და სასუნთქი ორგანოების ინდივიდუალური დაცვის საშუალებები, მათი ექსპლუატაციისათვის განკუთვნილი მოწყობილობა-დანადგარი;
- გ) დიელექტრიკული ელექტროდამცავი საშუალება;
- დ) ფოლადის მავთულის საჭრელი მაკრატელი;
- ე) სახანძრო და საავარიო-სამაშველო/სამაშველო ავტომობილების დამიწების მოწყობილობა;
- ვ) ერთჯერადი კომბინიზონი.

3. საინფორმაციო და სატელეკომუნიკაციო სისტემებია:

- ა) სტაციონარული რადიო სადგური;
- ბ) საავტომობილო რადიო სადგური;
- გ) პორტატული რადიო სადგური;
- დ) „GPS თრეკერი“;
- ე) მობილური ტელეფონი („სმარტფონი“);
- ვ) თანამგზავრული მობილური ტელეფონი;
- ზ) მიწის ზედაპირიდან სხვადასხვა ფრენის სიმაღლის და პოტენციური ენერჯის მქონე უპილოტო საჰაერო ხომალდი (საფრენი აპარატი „დრონი“);
- თ) ელექტრო გენერატორი.



4. სახანძრო ტექნიკური აღჭურვილობა და მოწყობილობებია:

- ა) ჰაერმექანიკური ქაფის გენერატორი;
- ბ) სხვადასხვა სახის სახანძრო ლულა;
- გ) მაგისტრალური ქაფშემრევი;
- დ) წყლის შემკრები;
- ე) დამხშობი თავაკი;
- ვ) ჰიდროელევატორი;
- ზ) სხვადასხვა დიამეტრის სახანძრო სახელო და სახელოს თავაკი;
- თ) შემწოვი სახელო;
- ი) შემწოვი ბადე;
- კ) სახანძრო სახელოს ბოგირი;
- ლ) ცეცხლმაქრი;
- მ) ჰიდრანტიდან წყლის ასადები სვეტი და მოწყობილობა;
- ნ) სამკაპი;
- ო) ხანძრის ჩასაქრობი ზურგჩანთა;
- პ) კვამლგამწოვი;
- ჟ) სითბოს ფიქსირების ოპტიკურ-ელექტრონული ხელსაწყო „თბოვიზორი“.

5. საავარიო-სამაშველო/სამაშველო აღჭურვილობა, მოწყობილობები და ინსტრუმენტებია:

- ა) სხვადასხვა დანიშნულების საავარიო-სამაშველო კიბე;
- ბ) სამაშველო გასაბერი ბალიში;
- გ) ძეზნისათვის განკუთვნილი სპეციალური ხელსაწყო;
- დ) სამაშველო იზოთერმული გადასაფარებელი;
- ე) ხელის არამექანიზირებული და მექანიზირებული ინსტრუმენტები.

6. სამთო-სამაშველო ეკიპირება, აღჭურვილობა და მოწყობილობებია:

- ა) სპეციალური სამთო ტანსაცმელი;
- ბ) დასაშვებ-დამზღვევი და ასასვლელ-დამჭერი მოწყობილობები;
- გ) სხვადასხვა სახის სამაშველო თოკი.

7. წყალზე და წყალქვეშა საძიებო-სამაშველო სამუშაოებისათვის განკუთვნილი აღჭურვილობა და მოწყობილობებია:



ა) მცურავი საშუალება;

ბ) წყალქვეშ საძიებო სამუშაოებისათვის განკუთვნილი აღჭურვილობა და მოწყობილობა ან/და სხვა საშუალებები, რომლებიც გამიზნულია მათი ფუნქციონირებისათვის.

8. ქიმიურ, ბიოლოგიურ, რადიაციულ და ბირთვულ ინციდენტებზე (შემდგომ - ქვრბ ინციდენტი) რეაგირების სპეციალური აღჭურვილობა და მოწყობილობებია:

ა) რადიაციის დეტექტორებისა და იდენტიფიკაციის სხვადასხვა ტიპის ხელსაწყო;

ბ) ქვრბ ინციდენტზე რეაგირების ინდივიდუალური დაცვის საშუალება (A, B, C);

გ) დეკონტამინაციის სპეციალური საშუალება;

დ) ნავთობისა და ნავთობპროდუქტების დაღვრაზე რეაგირების საშუალება.

9. სამედიცინო საშუალებები და მოწყობილობებია:

ა) პირველადი და გადაუდებელი დახმარების სამედიცინო ჩანთა;

ბ) სხვადასხვა ტიპის საკაცე;

გ) სხვადასხვა სახისა და ზომის ფიქსატორი.

10. ხანძრის ჩაქრობისას ან/და საავარიო-სამაშველო სამუშაოების/სამაშველო სამუშაოების ჩატარებისას საგანგებო სიტუაციების მართვის სამსახურის მეხანძრე-მაშველის მიერ შესაძლოა გამოყენებულ იქნეს მის სარგებლობაში არსებული სხვა სპეციალური საშუალებები, რომელიც გათვალისწინებული არ არის ამ მუხლით.

